

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

MAY 14 1932

CH 18908⁷/7914
7919.01

新鐫繡像旁批詳註總斷廣百將傳卷十五

古閩黃道周石齋註斷

長洲陳元素孝平原本

後學周亮輔猷菴增補

吳玠



吳玠字晉卿隴干人也少知兵善騎射以良家子隸涇原軍夏人犯邊以功擢隗將又從討方暉破之金人攻延安經畧王庶召曲端進兵端不進且曰不如蕩其巢穴攻其必救遂攻蒲城命玠攻華州拔之時張浚欲合五路兵與金人決戰玠言宜各守要害須

其變而乘之一戰可以成功。凌不聽。進兵富平。又會諸將議戰。玠曰：兵以利動。今地勢不利。未見其可宜行軍。擇高阜據之。以備敵深入。諸將皆曰：我衆彼寡。又前阻葦澤。敵雖有騎。不得施。何用他徙。已而敵驟輿柴囊土。藉淖平行。進薄端營。軍遂大潰。五路皆陷。巴蜀大震。玠將散卒保散關。東和尚原。積粟繕兵。列柵爲死守計。或謂玠宜退守漢中。扼蜀中以安人心。玠曰：我保此敵。決不敢越我而進。懼我距其後。是所以保蜀也。糧食雖不繼。鳳翔民耕獲者衆。若以恩義結之。

彼自有糧助我。乃遣人詣鳳翔。告以恩德。并以重惠遺之。使其預通金人消息。鳳翔民大悅。曰：我輩皆宋民。迫于虜勢。不得已耳。今吳將軍不棄我等。當以死報。於是相與夜送芻糧二千餘斛。助之。玠仍以金帛賞之。民得金帛。益喜。輸者愈多。金人怒。伏兵渭河邊。殺之。令保伍連坐。然民感玠恩德。冒禁如故。紹興元年。金將沒立自鳳翔。別將烏魯折合自階成出散關。約日會和尚原。烏魯折合先期至。陣北山索戰。玠命諸將堅陣待之。更戰迭休。山谷路狹。多石。馬不能行。

金人舍馬步戰大敗移砦黃牛會風雨電遂遁去沒
 立方攻箭筈關玠復遣將擊退之使敵前後不相及及
 沒錄其功拜明州觀察使金人自起海角狃于常勝
 及與玠戰輒北憤甚謀必取玠因會諸道十餘萬造
 浮梁跨渭自寶雞結連珠營壘石為城夾間與官軍
 相拒十月攻和尚原玠命諸將選勁弓強弩分番迭
 射號駐隊矢連發不絕繁如雨注敵稍却則以騎兵
 旁擊絕其糧道度其困且走設伏以待金兵至伏發
 衆大亂縱兵夜擊大敗之兀朮中流矢僅以身免兀

朮既敗復以撒離喝為陝西經畧使屯鳳翔與玠相
 持且金久窺蜀第以璘守和尚原不得逞將出奇取
 之時玠在河池遂用叛將李彥琪駐秦州睨仙人關
 以綴玠後令游騎出熙河以綴關師古乃命撒離喝
 自商於直搗上津取金州竟長驅趨制洋漢興元守
 臣劉子羽急以驛書招玠入援玠遂自河池日夜馳
 三百里以黃相遺敵曰賊○弄○敵○人○于○掌○大軍遠來聊用止渴撒離喝
 大驚以杖擊地曰爾來何速耶遂大戰饒風嶺金人
 披重鎧登山仰攻一人先登二人擁後先者既死則

後者代攻玠軍弓弩亂發大石摧壓如是者六晝夜死者山積而敵不退募敢死士五千將夾攻會玠小校有得罪奔金者導以祖溪間路出關背乘高以關饒風諸軍不支遂潰玠退保西縣敵入興元劉子羽退保三泉玠走三泉會之築渾毒山以自固未幾金人北歸玠急遣人邀于武休關掩擊其後軍墮澗死者以千計金人始謀本謂玠在西邊故道險東來不虞玠馳至雖入三郡而失不償得進玠檢校少保先是璘在和尚原餉饋不繼玠又謂去蜀遠命璘棄之

經營仙人關創築一壘移原兵居之至是兀朮撒離喝及劉夔率十萬騎入侵自鐵山鑿崖開道循嶺東下玠以萬人當其衝璘率輕兵由七方關倍道而至與金兵轉戰七晝夜始與玠合敵首攻玠營玠擊走又以雲梯攻壘壁楊政以撞竿碎其梯以長矛刺之璘拔刀畫地謂諸將曰死則死此退者斬金分軍兀朮陣于東韓常陣于西璘率銳卒介其間是得用兵左縈右繞無常形無常勢之法隨機而發戰久璘軍少憊急屯第二隘金生兵踵至人披重鎧鐵鈎相連魚貫而上璘以駐隊矢迭射矢

下如雨死者層積敵踐而登撒離喝駐馬四視曰吾
得之矣翌日命攻西北樓姚仲登樓酣戰樓傾以帛
爲繩挽之復正金人用火攻樓以酒缶撲滅之玠急
遣田晟以長刀大斧左右擊明炬四出震鼓動地明
日大兵出統領王喜王武率銳士分紫白旗入金營
金陣亂奮擊射韓常中左目金人始宵遁玠遣張彥
結橫山砦王浚伏河池扼歸路又敗之是役也金自
元帥以下皆携孥來劉夔乃豫之腹心本謂蜀可圖
旣不得逞又度玠終不可犯則還據鳳翔授甲士田

爲久留計自是不妄動捷聞屢遷授檢校少師玠與
敵對壘且十年常苦遠餉勞民屢汰冗員節浮費治
屯田歲收至十萬斛又調戍兵命梁洋守將治褒城
廢堰民知灌溉可恃願歸業者數萬家九年遷四川
宣撫使遣內侍奉親札以賜至則玠病已甚扶掖聽
命帝聞而憂之命守臣就蜀求善醫且勅國公馳視
未至玠卒于仙人關年四十七贈少師賜錢三十萬
玠善讀書凡往事可師者皆錄座右積久牆牖皆格
言也用兵本孫吳務遠略不求近利故能保必勝御

○此○與○趙○充○國○同○意○

○爲○將○之○能○事○畢○矣○
下○嚴○而○有○恩○待○士○虛○心○聽○受○選○用○將○佐○必○視○勞○能○爲○
高○下○不○以○親○故○權○貴○撓○之○玠○卒○胡○世○將○問○玠○所○以○制○
勝○者○璘○曰○璘○從○先○兄○有○事○西○夏○每○戰○不○過○一○進○卻○之○
頃○勝○負○輒○分○至○金○人○則○更○進○迭○退○忍○耐○堅○久○非○累○日○
○行○兵○要○訣○人○皆○熟○記○
不○決○勝○不○遽○追○敗○不○至○亂○與○之○角○久○乃○得○其○情○蓋○金○
人○弓○矢○不○及○中○國○之○勁○利○中○國○士○卒○不○及○金○人○之○堅○
忍○吾○嘗○以○長○技○相○角○於○數○百○步○外○彼○固○不○能○相○及○故○
每○選○據○形○便○出○銳○卒○更○迭○撓○之○使○不○得○休○暇○以○沮○其○
○變○化○之○妙○又○在○臨○敵○極○得○
堅○忍○之○氣○至○決○機○于○兩○陣○之○間○則○璘○有○不○能○言○者○方○

富平之敗秦鳳皆陷金人一意睨蜀東南之勢亦急
微玠身當其衝無蜀久矣故西人至今思之淳熙中
追封涪王

斷曰

吳玠用兵大有方畧屢言戰爭當以利作張浚不
聽一敗勢弱急保散關爲蜀要着恩結鳳翔芻糧
水若更戰迭休金兵屢却遠遺黃柑令敵錯愕金
人始謀謂玠西掠道險東來玠偏擁幕三郡雖侵
失厚得薄用火攻樓酒缶撲剝分紫白旗金營橫

虎射目韓常乘宵奔脫西蜀旣安玠病早惡爲國
亡身英雄所樂

吳璘

吳璘字唐卿玠弟也從玠攻戰以箭筈關之功居多
超遷統制又以守和尚原大敗金人兀朮中流矢遁
去之功陞康州圍練使至紹興三年玠敗于祖溪嶺
時璘猶在和尚原玠命璘棄原別營仙人關以防金
人深入四年兀朮撒離喝果以大兵十萬至關下璘
自武階路入援先以書抵玠謂殺金平地闊遠前陣

散漫須後陣阻隘然後可以必勝玠從之急修第二
隘璘冒圍轉戰會于仙人關敵果極力攻第二隘諸
將請別擇形勢以守璘奮曰兵方交而退是不戰而
走也吾度此敵去不久矣諸君第忍之震鼓易幟血
戰連日金人大敗自是數年不敢窺蜀時金人廢劉
豫歸河南陝西地樓炤使陝以便宜欲命三帥分陝
而守以郭浩帥鄜延楊政帥熙河璘帥秦鳳欲盡移
川口諸軍於陝西璘曰金人反復難信懼有他變今
我移軍陝右則蜀空虛敵若自南山要我陝右軍直

科敵明鼎

擣蜀口是我○不戰自屈矣○當且依山爲屯○控其要害○有主見遠其情見力疲○漸圖進據○炤從之○命璘與楊政兩軍屯內地保蜀○郭浩一軍屯延安以守陝○旣而胡世將至河池○璘見之曰○金大兵屯河中府○止隔大慶一橋耳○騎兵疾馳○不五日至川口○吾軍遠在陝西○緩急不可追集○關隘不葺○糧道斷絕○此存亡之秋也○而朝廷恃和忘戰○且欲廢仙人關○璘家族固不足惜○如國事何○世將遂抗疏謂外國和好宜內修守禦○於是璘僅以牙校三隊赴秦州○留大軍守階成山○砦戒諸將毋

得撤備○十年金人敗盟○撤離喝渡河○人長安趨鳳翔○陝石諸軍隔在敵後○遠近震恐○召諸將議○惟涇原帥田晟與楊政同至○參謀孫渥謂河池不可守○欲退保仙人原○璘厲聲折之曰○懦語沮軍○可斬也○璘請以百口保破敵○世將壯之○指所居帳曰○世將誓死于此○乃命田晟以三千人迎敵○璘又遣姚仲拒于石壁○砦敗之○璘又以書遺金將約戰○金鶻眼郎君以三千騎衝璘軍○璘以驍騎擊走之○鶻眼入扶風○復攻拔之○獲三將及女真百十有七人○撤離喝怒甚○自戰百通坊列

陣三十里。璘力戰破之。十一年金統軍胡蓋與習不
視合軍五萬屯劉家園。璘請討之。世將問策。璘曰。有
新立疊陣法。每戰以長槍居前。坐不得起。次最強弓
次強弩。跪膝以俟。次神臂弓。約賊相搏。至百步內。則
神臂先發。七十步強弓并發。次陣如之。凡陣以拒馬
爲限。鐵鈎相連。俟其傷。則更代之。遇更代。則以鼓爲
節。騎兩翼以蔽於前。陣成而騎退。謂之疊陣。此古東
伍令也。車戰餘意。無出于此。戰士心定。則能持滿敵
雖銳不能當也。及與二酋遇。遂用之二酋老於兵。據

險自固。前臨峻嶺。後控臘家城。謂我必不敢輕犯。先

一日璘會諸將問所以攻。姚仲曰。戰于山上。則勝。山

下。則敗。璘以爲然。乃告敵。請戰。敵笑之。璘夜半遣仲

及王彥啣枚截坡。約二將上嶺。而後發火。二將至嶺

寂無人聲。軍已畢。列萬炬。齊發。敵駭愕曰。吾事敗矣。

及胡蓋出。鏖戰。璘以疊陣法。更休。遞戰。自輕裘駐馬。

亟麾之士。殊死鬪。金人大敗。降者萬人。胡蓋走保臘

家城。璘圍而攻之。城垂破。朝廷以驛書詔璘班師。世

將浩歎而已。明年竟割和尚原。以與敵。撤戍割地。皆

此法最能得士之死戰

先○得○地○利○

千古同恨

秦檜主之也。此後和議方堅，而璘治軍經武，常如敵此即以虞待不虞。至三十一年，金主亮叛盟，渡淮遣合喜以兵扼大散關。璘即駐軍青野原，益調內郡兵分道而進。又移檄契丹、西夏及山東、河北，聲金人之罪，以致討。金人據大散關，璘將姚仲與之相持六十日，不能破，乃舍輦攻德順。璘遣子挺與敵戰于瓦亭，敗之。璘自將至城下，守裨者聞呼，相公來觀望，咨嗟，矢不忍發。璘按行諸屯，預治黃河戰地，斬不用命者，先以數百騎嘗敵。敵一鳴鼓，銳士空壁躍出，突璘軍。璘軍得先治地，無

待敵之法不一。當十至暮，璘忽傳呼某將戰，不力人益奮搏敵。大敗，奔入壁。黎明，師再出，敵堅壁不動。會天大風雷，金人拔營去。凡八日而克，所得輜重不計數。璘入城，市不改肆。父老擁馬迎拜不絕。璘尋還河池。四月，原州受圍。璘命姚仲以德順之兵往探。璘自趨鳳陽，視師。諸將雖力戰，敵攻益急。五月，仲與敵戰于原州之北嶺，敗績。璘亦無功還。因奪仲兵欲斬之，或勸而止。璘策金人必再爭德順，亟馳至城下，而完顏悉烈等兵十餘萬果來攻。萬戶豁豁復領精兵自鳳翔繼至。

麟築堡東山以守敵極力爭之殺傷大半終不能克時議者以爲兵宿於外去川日遠恐敵襲之欲棄三路遂詔麟退師敵乘其後麟將士死亡者甚衆三路復爲敵有乾道元年詣闕召見德壽宮高宗見麟嘆曰朕與卿老君臣也可數入見麟頓首謝及還鎮兩宮宴餞甚寵又解所佩刀賜之曰異時思朕視此可矣麟至漢中修復褒城古堰溉田數千頃民甚便之三年卒贈太師追封信王麟剛勇喜大節代兄爲將守蜀餘二十年隱然爲方面之重高宗嘗問勝敗之

術麟曰弱者出戰强者繼之高宗曰此孫臏三馴之法一敗而二勝也嘗著兵法大略謂金人有四長我有四短當取我之短制彼之長四長曰騎兵曰堅忍曰重甲曰弓矢吾集其番漢所長兼收而並用之以分隊制其騎兵以番休迭戰制其堅忍制其重甲則其弓矢則以遠克近以強制弱布陣之法則以步軍爲陣心左右翼以馬軍爲左右助距馬步兩陣之間至帖撥增損之不同則係乎臨機知兵者取焉

斷曰

吳璘玠弟。戰功多利。散漫難攻。隘擊容易。主第二門。以張形勢。血戰破之。窺蜀無計。金人敗盟。衆欲退避。璘怒叱之。戰守兩濟。金屯劉園。璘請討。致叠陣。攻之以強。乘蔽再戰。山上敵憂。敗斃。勢已垂危。班師詔至。秦檜爲奸。復主和議。戰勝轉驚。敗已成。例可惜。英雄空生。其際雖贈太師。不勝其氣。

李而忠

李顯忠。初名世輔。綏德軍青澗人也。由唐以來。世襲蘇尾九族。巡檢。初其母當產。數日不能免。有僧過門。

曰。所育乃奇男子。當以劔矢。寘母旁。卽生。已而果生。顯忠立于葦。咸異之。年十七。隨父末奇。出入行陣。金人犯鄜延。經畧王庶命末奇募間者。得張琦。更求一人。顯忠請行。末奇曰。汝未涉歷。行必累琦。顯忠曰。顯忠年少。膽氣不小。必不累琦。遂與琦俱。有敵人夜宿陶穴。顯忠縋穴中。得十七人。皆殺之。取首二級。馬二匹。餘馬悉折其足。庶大奇之。補充隊將。由是始知名。金人陷延安。授顯忠。父子官。末奇聚泣曰。我宋臣也。世襲國恩。乃爲彼用。耶。會劉毅令顯忠帥馬軍赴東。

京○永○奇○密○戒○之○曰○汝○若○得○乘○機○卽○歸○本○朝○無○以○我○故○
二○其○志○事○成○我○亦○不○朽○矣○顯○忠○至○東○京○劉○麟○喜○之○授○
南○路○鈐○轄○已○而○豫○廢○兀○朮○以○萬○騎○馳○獵○淮○上○與○顯○忠○
獨○立○馬○圍○塲○間○顯○忠○戒○吳○俊○往○探○淮○水○可○渡○馬○處○欲○
執○兀○朮○歸○朝○俊○還○顯○忠○馳○問○之○爲○竹○刺○傷○馬○而○止○兀○
其○志○可○嘉○
朮○授○之○忠○承○宣○使○知○同○州○之○忠○至○鄜○省○視○永○奇○教○之○
忠○曰○同○州○入○南○山○乃○金○人○往○來○人○路○汝○可○於○此○擒○其○
酋○渡○洛○渭○由○商○虢○歸○朝○第○報○我○知○我○當○以○兵○取○延○安○
而○歸○顯○忠○赴○同○州○郡○遣○黃○士○成○等○持○書○由○蜀○至○吳○報○

歸○朝○事○元○帥○撒○離○喝○來○同○州○顯○忠○以○計○執○之○馳○出○城○
至○洛○河○舟○船○後○期○不○得○渡○與○追○騎○屢○戰○皆○勝○顯○忠○憇○
高○原○望○追○騎○益○多○乃○與○撒○離○喝○折○箭○爲○誓○不○得○殺○同○
州○人○不○得○害○我○骨○肉○皆○許○之○遂○推○之○下○山○崖○追○兵○追○
救○得○免○顯○忠○携○老○幼○長○驅○而○北○至○鄜○城○縣○急○遣○人○告○
永○奇○永○奇○卽○挈○家○出○城○至○馬○翅○谷○口○爲○金○人○所○及○家○
屬○二○百○口○皆○遇○害○是○日○天○昏○大○雪○延○安○人○聞○之○皆○泣○
下○顯○忠○僅○以○二○十○六○人○奔○夏○國○夏○人○問○故○顯○忠○泣○具○
言○父○母○妻○子○之○亡○切○齒○疾○首○恨○不○卽○死○願○得○二○十○萬○

人生擒撒離喝取陝西五路歸于夏顯忠亦得以報
不共戴天之仇夏主曰爾能立功則不靳借兵時有
酋豪號青而夜叉者久爲夏國患乃令顯忠圖之請
二千騎晝夜疾馳奄至其帳擒之以歸夏主大悅卽
出二十萬騎以文臣王樞武臣嚙訛爲陝西招撫使
顯忠爲延安招撫使顯忠引兵至延安總管趙惟清
大呼曰鄜延路今復歸宋矣已有赦書顯忠與官吏
親赦書列拜顯忠大哭衆皆哭百姓哭聲未絕顯忠
乃以舊部八百餘騎往見王樞嚙訛諭之曰顯忠已

得延安府見講和赦書招撫可以本部軍歸國嚙訛
不從曰初經畧乞兵來取陝西今旣到此乃令我歸
耶顯忠知勢不可乃出刀斫嚙訛不及擒王樞縛之
夏人以鐵鶴子軍來顯忠以所部拒之馳揮雙刀所
向披靡夏兵大潰殺死蹂殘無慮萬人獲馬四萬匹
顯忠揭榜招兵每得一人與馬一匹旬日間得萬人
皆驍勇少壯乃擒害其父母弟姪者皆斬于東城之
內行至鄜州已有馬步軍四萬餘撒離喝在耀州聞
顯忠來一夕遁去四川宣撫吳玠遣張辰來撫諭云

有○志○者○專○竟○成○

兩國見議和好不可生事可量引軍赴行在遂在河
池縣見玠玠撫之曰忠義歸朝惟君第一至行在高
宗又撫勞再三賜名加賚兀朮犯河南命顯忠與李
貴同破靈壁縣兀朮犯合肥手詔以軍與張俊會顯
忠至孔城鎮與敵戰大敗之兀朮謂韓常曰李世輔
歸宋不曾立功此人敢勇宜且避之乃焚廬江而走
顯忠欲追之與死戰俊以奉旨監護慮失顯忠遂各
以軍還顯忠熟西邊山川險易因上恢復策忤秦檜
意會金使言顯忠私遣人過界遂降官奉祠台州居

住二十九年至是金渝盟詔顯忠以本部捍禦因遣
韋永春等以二百騎與金將小韓將軍兵五千人戰
于大人洲敗之又增兵萬餘來戰顯忠率騎軍出白
旦○至○此○至午氣百倍以大刀斫敵陣敵不能支殺獲甚衆
擁入淮者不可計金主亮犯淮西朝廷命王權拒于
合肥權棄軍渡江和州失守金主統軍駐和之鷄籠
山將濟采石朝廷詔以顯忠代權軍中大喜於是
有采石之捷顯忠退軍沙上得楊存中報車駕至平江
可速進兵顯忠選銳士萬人渡江盡復淮西州郡軍

至橫山澗與金射鵬軍戰敵兵敗走金主亮切責諸將不用命諸將弒之而還是役也顯忠所得一萬九千餘人行賞有差詔賜顯忠五子金帶授顯忠淮南京畿等處招討使孝宗卽位賜田百畝時金主雍新立見山東河北豪傑蜂起皆欲撐地還于朝金主懼而亟請和時張浚開都督府命顯忠渡江督戰乃自濠梁渡淮至隄溝蕭琦用拐子馬來拒與戰敗之琦復背城列陣顯忠躬率將士鏖戰琦敗走遂拔靈壁入城宣布德意不戮一人中原歸附者接踵時邵去

淵圍虹縣未下顯忠遣靈壁降卒開諭禍福遂皆出降宏淵耻功不自己出又有降于戶訴宏淵卒奪其佩刀顯忠立斬之由是二將益不相睦六月兵薄宿州城金人來拒顯忠敗之斬其首虜數千人追奔二十餘里宏淵至謂顯忠曰招撫真關西將軍也顯忠閉營休士爲攻城計宏淵等不從顯忠引麾下上城開北門不踰時拔其城宏淵等毀後促之乃始渡淮登城城中巷戰又斬首虜數千人遂復宿州捷聞授顯忠開府儀同三司金帥字撒自南京率部騎十萬

來晨薄城列大陣顯忠親率軍遇于南城戰數十合。李撒大敗遂退走翌日敵益兵至顯忠并力夾擊宏淵按兵不動顯忠獨與所部力戰百餘合殺左翼都統及千戶萬戶斬首虜五千餘人俄增兵復來逼城顯忠用克敵弓射却之宏淵顧衆曰當此盛夏搖扇于清涼猶不堪况烈日中披甲苦戰乎人心遂搖無復鬪志至夜中軍統制周宏鳴鼓大譟陽爲敵兵至與邵世雍劉侁各以所部兵遁繼而左士淵李彥孚亦遁顯忠移軍入城金人乘虛復來攻城顯忠竭力

捍禦斬首虜二千餘人積尸與羊馬皆平城東北角敵兵二十餘人已上百餘步顯忠取軍所執斧斫之敵始退却顯忠曰若使諸軍相與犄角自城掩擊則敵兵可盡金帥可擒河南之地指日可復矣宏淵又言金添生兵二十萬來倘我軍不返恐不測生變顯忠知宏淵無固志勢不可孤立歎咤曰皇天未欲平中原耶何阻撓若此遂夜引還至符離師大潰所喪軍資器械殆盡幸而金不復南顯忠以軍還見浚納印待罪責授果州團練副使潭州安置後朝廷知其

○真○使○英○雄○喪○氣○

故乃復召除威武軍節度使左金吾衛上將軍賜第
京師上奇其狀貌魁傑命繪像閣下淳熙四年七月
卒贈開府儀同三司謚忠襄

斷曰

顯忠丈夫生而不誣殺人陶穴膽勇已粗陷金授
職泣思改圖會遣軍赴恰與意符報父潛走父緩
被誅切齒致恨投夏訴幸為擒青面惜兵以扶害
父母者立擒以屠適值有赦歸宋如初高宗加賚
命備戈受兀朮來犯一戰幾俘相戒避去壯志可

舒上策忤掄奉祠間居二十九載金盟復渝大
大戮小戰小驅牽連卽敗實衆所拘丈夫至此不
負其軀

楊存中

楊存中代州崞縣人本名沂中字正甫紹興間賜今
名為人沉鷲嘗慨然語人曰大丈夫當以武功取富
貴焉能俯首為腐儒哉因精孫吳兵法善騎射初隸
張俊部曲上問將於俊俊以存中對因召見扈衛寢
幄劇賊李昱據任城久不克存中以數騎入擊殺數

此亦因時發論

百人帝乘高望見介胄盡赤意其被重創召視之皆
汚賊血帝壯之飲以酒曰酌此血漢存中請復往帝
止之存中曰此賊膽碎即成擒矣遂大破之復任城
建炎二年討賊徐明于嘉興先登城陷主帥將屠城
存中力請止之戮其渠魁而已郡賴以全紹興元年
從張俊討李成諸將議欲分道進存中曰賊勢如此
兵分則力弱又諸將位均勢敵非招討督之必不相
為用俊然之整軍至豫章存中率兵數千首破賊于
七隆觀追至筠州賊驍將以衆十萬來援夾河而營

存中謂俊曰彼衆我寡擊之當用奇願以騎見屬公
以步兵居前後俊從之存中夜啣枚渡筠河出西山
馳下擊賊俊以步兵夾攻俘八千人諸將夜見存中
曰戰未休降卒多忽有變奈何非盡殲之不可存中
曰殺降吾不忍諸將轉告俊竟夜坑之乘勝追至九
江成遂遁去二年進存中神武中軍統制存中固辭
曰神武諸帥如韓世忠張俊皆貴擁旄鉞名望至重
如臣么麼一旦位與之抗實不自安不許時中軍卒
不滿五千疲瘡者居半存中請拘神武卒借出于外

者歸軍中由是軍政寢修劉猷入犯淮西宣撫使劉
 光世欲棄廬州退保太平賊衆十萬已次濠壽時張
 浚視師因命張俊拒之又使存中往泗州與俊合及
 至泗則光世已捨廬去浚使人諭之曰一人渡江卽
 斬以徇光世不得已還廬駐兵與存中相應賊先犯
 定遠縣存中以兵二千襲敗于越家坊旣而與猷兵
 遇藕塘賊據山列陣矢下如雨存中急擊之且使統
 制吳錫以勁騎五千突其陣陣亂存中鼓大兵乘之
 自以精騎衝其脇大呼曰賊破矣賊錯愕駭視遂大
 神○机○妙○用○

敗猷以首抵謀主李諤曰適見髯將軍銳不可當果
 楊殿司也卽以數騎遁去餘黨萬人僵立失措存中
 躍馬叱之皆怖而降劉麟在順昌孔彥舟方圍光州
 聞之皆拔砦遁去捷聞帝喜謂宰執曰卿輩始知朕
 得人也十年金人叛盟取河南命存中爲宣撫引兵
 至宿州金人詭令來告敵騎數百屯柳子鎮存中信
 之留王滋蕭保以千騎守宿自將五百騎夜襲柳子
 鎮黎明不見敵而還金人以精兵伏歸路存中知之
 遂橫奔而潰叅議官不知存亡以聞朝廷震恐旣而

存中自壽春渡淮歸泗人心始安十一年兀朮耻順
呂之敗復謀來侵詔大合兵於淮西以待之於是存
中以殿司兵三萬戍淮與金人遇于柘臯時張俊劉
錡王德皆會集金人以拐子馬翼而進存中曰敵恃
弓矢吾有以屈之○破○拐○子○馬○法○使萬人操長斧如墻而進諸軍鼓
噪奮擊金人大敗退屯紫金山是役也夫將士九百
人金人死者以萬計而濠圍猶未解欲往救之距濠
六十里聞城陷矣召存中錡謀之錡謂存中何以處
此存中曰惟戰耳相公與太尉在後存中當居前錡

曰本來救濠濠既已失進無所依人懷歸心勝氣已
索此危道也不若退師據險俟其去爲後圖諸將皆
曰善鼎足而營遣人俟敵曰已去矣俊欲自以爲功
謂錡毋往命存中與德偕至濠列陣未定烟起城中
金人伏騎萬人分兩翼出存中顧德曰何如德曰德
小將焉敢預事存中因以策麾軍曰那回諸軍以爲
令其走也遂散亂南奔無復紀律金人追殺甚衆存
中乃自宣化渡江歸行在加檢校少保開府儀同三
司蓋錄柘臯之功而掩濠梁之敗也時金主亮有南

侵意存中上備敵十策步帥趙密謀奪存中權因指
非生事安得以為喜功生事存中聞之上章乞免密竟代之未幾邊代○之○可○嘆
 聲日急劉汜戰敗于瓜州命存中往京口為守江計
 虞允文自采石來命存中與之協力拒敵敵不能濟
 金主亮死金人請和存中奏俟彼得新主之命無遽
 許之帝如建康詔存中扈蹕因語宰相曰楊存中惟
 命東西忠無與二朕之郭子儀也隆興二年金人再
 入關議割蜀之和尚原以畀之存中入對曰和尚原
○之○地○不○可○失○隴右之藩要也敵得之則可以睥睨漢川我得之則
○必○爭○

可下兵秦雍曩議與金人吳璘力爭不從今璘在遠
 不及知臣若不言非特負陛下亦有愧于璘近者王
 師盡銳而後得願毋棄未幾金人復攻淮甸詔存中
 同都督江淮事時諸軍各守分地不相統一存中集
 諸將調護之始更相為援帝親獎之曰諸將協和互
 相策應卿之力也會金兵已深入朝議欲舍淮保江
 存中持不可乃已金卒在揚州或勸存中擊之存中
 不敢渡獨臨江固壘以老之金人尋請盟乾道二年
 卒存中天資忠孝敢勇大小二百餘戰身被五十餘

廣雅釋名
創嘗以克敵。弓雖勁而蹙張難。遂以意創馬皇弩。思巧製工發易中。遠人服其精。

斷曰

楊子存中。天生勇悍。寢幄扈從。適逢賊亂。數騎衝鋒。殺人無算。遍體鮮紅。疑傷染茜。及解甲看。皆賊血。濺因賜醇醪。酌此血漢。旣征李成。彼衆萬萬。若不出奇。難破。一旦願請奇兵。馳擊其暗。果俘八千餘。俱遁。擯劉猊據山。矢如雨散。存中一呼。神失魂。斷驚。將將軍銳。不可犯。帝喜得人忠。日可貫。惟命。

東西子儀之伴。濠雖敗歸。柘功足按。君念及臣。庶幾無憾。

王德

王德字子華。通遠軍熟羊寨人也。以武勇應募。隸熙帥姚古。會金人入侵。古軍懷澤間。遣德謀之。斬一酋而還。古曰。能復往乎。德曰。可。遂從十六騎。徑入隆德府。治執僞守姚太師。左右驚擾。德手殺數百人。衆愕。貽莫敢前。德械姚獻于朝。欽宗問狀。姚曰。臣就縛時。止見一夜叉耳。時遂呼德爲王。夜叉建炎元年。以

勤王師倍道趨闕。改隸於劉光世。平濟南寇李昱。池陽寇張遇。光世討李成德。以百騎覘賊。至蔡州。止蔡驛口橋。賊疑爲誘騎。擁衆欲西。德麾騎大呼曰。王師大至矣。賊駭遁。追殺甚衆。成奔新息。收散卒復戰。賊見光世張蓋行陣。不介冑。知爲主帥。并兵圍之。德突圍擁光世還軍。因而襲敗。成授武畧大夫。金人攻揚州。西軍多潰。德趨宣化。會叛將張昱。張彥圍和州。太守張績求援于德。德兵薄城下。賊不意其至。大潰。遲明接戰。斬昱。俘其兵騎萬數。濟自采石。光世方謀討

苗劉之逆。迎至建康。謂德曰。江都之擾。不窳則益。公可仗義。夜涉大江。徇國急變。遂以軍屬光世。會苗劉走閩中。詔德追擊。隸韓世忠。德欲自致功名。而世忠不欲德爲之使。遣親將陳彥章拔佩刀擊德。德遂殺彥章。尸諸市。德至蒲城。斬苗瑀。擒馬柔吉。送行在世忠。訟其擅殺。下臺獄。侍御史趙鼎按德當死。帝命特原之。編管柳州。時光世屯九江。得楊惟中所失空頭黃勅。卽以便宜復德前軍統制。遣平信州妖賊王念經。行次饒州。會賊劉文舜圍城。德引兵赴之。文舜請

降德納而誅之自餘不戮一人謂諸校曰念經聞吾
 宿留必不為備倍道而趨一鼓擒之獻俘示朝詔還
 舊秩加榮州刺史四年光世鎮京口以德為都統制
 金兵復南光世將退保丹陽德請以死捍江諸將持
 以自強分軍扼險渡江襲金人收真揚數郡既而又
 遇敵于揚州北有被重鎧突陣者德馳叱之重鎧者
 直前刺德德揮刀迎之即墮馬眾驚駭因揮騎乘之
 所殺萬計紹興元年秀州水賊邵青作亂德與戰于
 崇明沙親執旗麾兵拔柵以入青軍大潰他日黨眾

此○是○將○能○而○三○軍○恃○以○無○恐○

復索戰謀言將用火牛德笑曰是古法也可一不可
 再今不知變此成擒耳先命合軍持滿陣始交萬矢
 齊發牛皆反奔賊眾殲焉青自縛請命德獻俘行在
 帝召見褒賞特異三年光世宣撫江淮當移屯建康
 命韓世忠代之德僅數十騎自京口逆世忠度將及
 麾下乃徒步立道左抗言曰擅殺陳彥章王德迎馬
 頭請死世忠下馬揭其手曰知公好漢向來織介不
 足實懷乃設酒盡歡而別六年冬劉豫遣麟猊驅鄉
 兵三十萬分東西道入寇中外甚恐議欲為保江計

此亦見世忠能自屈好處

殿帥楊沂中及德等分兵禦之。大敗猊兵于藕塘。猊挺身走。麟在順昌聞之，亦拔砦遁。德追至壽春，弗及。獲其糧舟四百艘，第功除武康軍承宣使。會光世罷，宣撫詔德盡護其衆，以酈瓊副之。瓊與德故等夷，耻居其下，率衆叛。從劉豫十年，德解潁昌圍，俊檄德就取宿州。德倍道自壽春馳至，斬縣與敵游騎，遇遂入城，偃旗卧鼓，騎引去。因潛師宿州，夜半薄賊營，敵將高統軍詰朝壓汴而陣，偽守馬秦同知耶律溫以三十人沮水邀戰。德策馬先濟，步騎從之。遙謂賊曰：吾

與金人大小百餘戰，雖名王貴酋莫不靡碎。爾何爲

大言能下戰而解人兵

者？賊遂投兵降。馬秦耶律溫馳入閉門，城守德至呼

秦諭以逆順，乃自縊而下。德叱其子順先登，秦率溫

降，遣詣行在。德乘勝趨亳州，會俊于城父。時叛將酈

瓊屯亳，聞德至，謂三路都統制曰：夜叉未易當也。遂

遁。德入亳州，白俊曰：今兵威已振，請乘破竹之勢，進

取東都，後難之。乃班師，策功第一。十一年，金人自合

肥入侵，游騎及江。俊議分軍守南岸，德曰：淮者江之

蔽也，棄淮不守，是謂唇亡齒寒也。敵數千里遠來，餉

深識地

道決不繼。及其未濟，急擊之，可以奪氣。若遲之，使少安，則淮非吾有矣。俊猶豫未許。德請益堅，曰：願父子先之先越江，俟和州下，然後宣撫北渡。俊乃許。德即渡采石，俊督軍繼之。宿江中，德曰：明旦當會食歷陽。已而夜拔和州，晨迎俊入敵，退保昭關，又擊走之。追至柘皋，與金人夾河而軍。諸將帥俱集，惟張俊後至。田師中欲待之，德怒曰：事當機會，復何待？徑上馬，兀木以鐵騎十餘萬夾道而陣。德曰：敵右陣堅，我當先擊之。麾軍渡橋，首犯其鋒，一酋披甲躍馬始出，德引弓一

發而斃，乘勝大呼，令萬兵持長斧，一牆而進，敵大敗。退屯紫金山，德復尾擊之。劉錡謂曰：昔聞公威畧如神，今果見之，請以兄禮事。召拜河遠軍節度使，建康府駐劄御前。二十五年卒，贈少傅。二子琪、順，亦以驍勇聞。

斷曰

王德夜叉，大師就縛，擒賊四，乃如草被削，詔擊苗。劉當受韓約，欲自立功，殺人而作，按法當誅。帝原編漢光世，憐才空勅，補爵妖賊，念經信州肆虐。一

廣百將傳
鼓擒之罪以功脫光世鎮金山人南掠德請捍之
殺賊賊却水賊邵青戰敗討錯思用火牛射回自
著事急方降上獻俘惡逆見世忠請死如昨下馬
笑携好漢之略再破麟仇追瓊入毫名王皆靡何
有微弱守淮守江氣方不奪崛起英雄古今誰若

新鐫繡像旁批詳註總斷廣百將傳卷之十六

古閩黃道周石齋註斷

長洲陳元素孝平原本

後學周亮輔猷菴增補

王彥

王彥字子才上黨人也性喜韜畧金人攻汴京彥慨
然棄家赴闕求自試討賊招撫張所異其才擢爲都
統制使率裨將張翼白安民岳飛等十一將部七千
人渡河與金人戰敗之復衛州新鄉縣傳檄諸郡金
人購求彥急彥慮變夜寢累遷其部曲覺之相率刺

能自保全

面作赤心報國誓殺金賊入字以示無他意彥益感
 勵撫愛士卒與同甘苦未幾兩河響應忠義民兵傳
 選等皆附之衆至十餘萬綿亘數百里皆受彥約束
 張浚宣撫川陝奏彥為前軍初至漢中浚與金將婁
 宿相持於富平欲大舉會諸將議彥獨以為不可曰
 陝西兵將上下之情皆未相通若少不利則五路俱
 失不若且屯利閩興洋以固根本敵入境則檄五路
 兵來援萬一不捷未大失也浚幕府不然其言彥即
 請為利路鈴轄時中原盜賊蜂起加以饑饉無所資

食惟蜀富饒桑仲既陷淮安襄陽衆號三十萬欲乘

勢西向因申牘請於彥曰仲於公無敢犯願假道入

蜀就食耳彥乃遣統領官閔立為先鋒擊之賊銳甚

立戰死將士失色或請避之彥叱曰樞相張公方有

事關陝若仲越金而至梁洋則腹背受敵大事去矣

敢言避者斬即勒兵趨長沙平阻水據山設伏以待

賊見官軍少蟻附搏戰彥執幟一麾士殊死鬪賊乃

敗走彥休士進擊追奔至白磧復房州紹興元年總

管李忠反擾京西驍果善戰彥與戰不利閔陷彥退

此言可謂長慮也

先處戰地以待敵

屯秦郊令將士盡伏山谷間焚秦郊積聚偽若遁者

秦郊距郡城二十里路坦夷彥募敢死士易麾幟設

奇以待聞再宿賊至秦郊官軍逆戰大敗之追襲至

秦嶺遂復祜縣以歸忠走降劉豫初桑仲既敗還襄

陽乃鳩集散亡陷鄧州凶焰復熾分衆三道一攻注

口關一出馬郎嶺一擣郟陽前軍去金州不三十里

彥曰仲以我寡彼衆故分三道以離吾勢法當先破

其堅則脆者自走因自以親兵營馬郎相持一月大

戰六月賊大敗仲為其下所殺其餘彥悉討平之五

年差知荆南府充歸陝荆門公安軍安撫使彥因荆

南曠土措置屯田自蜀買牛千七百頭授官兵耕營

田八百五十頃分給將士九年卒于官彥稱名將當

建炎初屢破大敵威聲振河朔時方撓于和議遽召

之還又奪其兵柄而使之治郡士議惜之

斷曰

彥志慨然自請討賊張所異之都統授職部七千

人岳飛在側刺而表誠赤心報國戰無不前求無

不得未仲侍強請蜀就食先鋒戰亡將士失色彥

怒○麾○戈○力○戰○大○克○忠○反○京○西○秦○郊○阻○塞○敢○死○設○奇○
忠○敗○而○北○尋○領○荆○南○屯○田○分○給○惜○哉○卒○官○才○未○展○
畢

劉子羽

劉子羽字彥修建之崇安人也學士韜之長子也韜
帥浙東子羽以機宜文字佐父而破陸賊韜守真定
會金人入寇父子相誓死守金人不能拔而去由是
知名後京城不守韜死之子羽嘗論天下兵勢當以
要之論秦隴為根本建炎三年大將范瓊擁強兵江西召之

弗來來人不肯釋兵張浚與子羽密謀誅之一日命

張俊以千兵渡江若備他盜者使皆甲而來因召俊

瓊及劉光世赴都堂議事為設飲食食已諸公相顧

未發子羽坐廡下恐瓊覺取黃紙趨前舉以麾瓊曰

下有勅將軍可請大理置對瓊愕不知所為子羽顧

左右擁置輿中衛以俊兵送獄光世出撫其眾數瓊

在圍城中附金人迫二帝出符狀且曰所誅止瓊爾

沒等固天子自將之兵也眾皆投刃曰諾有旨分隸

御營五軍頃刻而定瓊竟伏誅浚以此奇其才辟之

參議軍事。明年金人窺江淮。急浚。念禁衛寡弱。計所以分撓其兵勢者。遂合五路之兵。以進。子羽以非本計。爭之。浚曰。吾豈不知此。顧今東南之事。方急。不得不為是耳。遂北至富平。與金人遇。金人乘勝而前。宣撫使退保興州。人情大震。官屬有建策徙治夔州者。子羽叱之曰。孺子可斬也。四川全盛。敵欲入寇久矣。直以州口有鉄山棧道之險。未敢遽窺耳。今不堅守。縱使深入。而吾僻處夔峽。遂與關中聲援不相叶。進退失計。悔將何及。今幸敵方肆掠。未適近郡。宣司但

議論正火
 當留駐興州外。繫關中之望。內安全蜀之心。急遣官屬出關。呼召諸將。收集散亡。分布險隘。堅壁固壘。觀釁而動。庶猶可補前愆。而贖後咎。奈何乃為此言乎。浚然。子羽言而諸參佐無敢行者。子羽即自請奉命。北出復以單騎至秦州。召諸亡將。諸亡將聞命大喜。悉以其眾來會。金人知有備。引去。明年吳玠經畧河池。王彥鎮金州二鎮。皆饑。興元帥臣閉糴。玠彥病之。皆願得子羽守漢中。浚乃承制拜子羽利州路經畧使。兼知興元府。子羽至漢中。通商輸粟。二鎮遂安。三

年正尺王彥失守退保石泉子羽急移兵守饒風嶺。玠聞之大驚卽越境而東日夜馳三百里至饒風列營拒守金人悉力仰攻死傷山積更募死士由間道自祖溪關入繞出玠後玠遽邀子羽去子羽不可而留玠同守定軍山玠難之遂西子羽焚興元退守三泉縣從兵不滿三百與士卒取草芽木甲食之遺玠書訣財玠時在仙人關其愛將楊政大呼軍門曰節使不可負劉待制不然則政輩亦舍節使去矣玠乃間道會子羽子羽留玠共守三子玠曰關外蜀之門

戶不可輕棄復往守仙人關子羽以潭毒山形斗拔其上寬平有水乃築壁壘十六日而成金人已至距營十數里子羽據胡床坐于壘口諸將泣告曰此非待制坐處子羽曰子羽今日死于此敵尋亦引去張浚欲移鎮潼川子羽遺浚書言已在此金人必不南浚乃止撤離喝由斜谷北去子羽謀邀之于武休不及既回鳳翔遣十人持書旌招子羽子羽盡斬之而留其下縱之還曰爲我語賊欲來卽來吾有死耳何可招也先是子羽預徙梁洋公私之積至是金人深

人餽餉不繼。又腹背爲子羽所攻。死傷十五六。疫
癘且作。亟遁去。子羽出師掩擊。墮深澗。死者不可勝
計。餘兵不能自拔者。悉降。始金人攻蜀。所選士卒。千
取百。百取十。戰被重鎧。登山攻險。每一人前。輒二人
推其後。前者死。後者被其甲以進。又死。則又代之。其
爲必取。計如此。浚雖劬師。卒全蜀。子羽之力居多。浚
還朝。議合兵大舉。子羽言。金人未可圖。宜益兵屯田。
以俟機會。後金人入寇。子羽建議清野。淮東之人皆
徒鎮江。俄而金人不至。浚問子羽。子羽曰。異時金人

入寇。飄忽如風雨。今久遲。回定有他意。蓋今人以拓
臯之敗。欲急和也。未幾果遣使議和。子羽十六年卒。

斷曰

子羽論勢。秦隴爲根。在朝臣子范瓊不純。密謀議
事。忽詔獄論制伏。已定。不容少存。金人攻急。議徙
夔門。子羽大叱。欲斬以狗夔峽僻遠。誰寄聲聞。宜
出關外。呼召諸軍。分布險隘。旋乾轉坤。浚雖允議。
無人獻勤。子羽自往。衆始雲屯。金知有備。相引而
奔。二鎮饑饉。輸粟如雲。三泉死守。不惜危身。賊招

子羽盡斬猶噴無門金遁全蜀功真始知立國在乎有人

魏勝

魏勝字彥威淮陽軍宿遷縣人也多智勇善騎射應募爲弓箭手紹興三十一年金人將南侵議籍諸路民爲兵勝躍曰此其時也因聚義士三百北渡淮取漣水軍宣布朝廷德意不殺一人漣水民翕然以聽遂取海州殺其僞守高文宣父子民皆安堵遂權知州事遣人諭朐山懷仁沐陽東海諸縣皆定乃蠲租

○昔○之○師○稅釋罪因發倉庫犒戰士分忠義士爲五軍紀律嚴

明益募忠義以圖收復遠近聞之響應旬日得兵數千人遣蒙恬鎮國以兵萬餘來收海州抵州北二十里新橋勝帥兵出迎之設伏於隘以待賊至先殊死戰後伏發賊遂大敗殺鎮國賊千人軍聲益振山東之民咸願來附沂民壁蒼山者數十萬金人圍之久不下砦首滕晷告急勝提兵往救之陣于山下金人多伏兵勝兵遇伏皆赴砦金人襲之勝單騎而殿以大刀奮擊金人望見勝知其爲將以五百騎圍之

數重勝馳突四擊金陣開復闔戰移時身被數十槍
冒刃出圍金人追之馬中矢蹄步而入砦無敢當者
又度敵必復攻海州因間出砦趨城中金人果解蒼
山圍自新橋抵城下勝出戰皆捷金分兵四面攻之
勝募士登城以禦矢石如雨者七日金人死傷多遁
去勝起義久朝廷尚未知至是制置使李寶出海道
覘敵始白勝之姓名於執政而知其戰功焉金主亮
舉兵渡淮慮勝晚其後因分兵數萬來攻勝邀李寶
同擊于新橋大敗之既而金兵復至先使人說勝使

降勝諭之曰汝主叛盟失信無故興兵我朝以仁義

之師來復舊疆汝主渡淮必敗爾等宜早來歸必獲

爵賞時金兵已逼關勝登關門張樂飲酒犒軍士令

固守勿出戰金人攻之踰時乃少遣士出憑險監擊

之金人知不可攻因率軍渡河襲關後勝斂兵入城

金兵有追之者勝獨乘馬逐此之曰魏勝在此聞者

皆辟易不復敢追有新募士守河者不知金兵遽過

河勝恐絕河路亟收軍入城金兵追至軍門勝單騎

逐而大叱之金兵五百皆望風遁勝又追至十數里

士始得入城有不得入者由城南入西門金兵復自西南來襲勝從後又叱逐之金兵方駭散手殺數人奏功差知海州兼山東路忠義軍都統金兵一日黎明乘昏霧四面而薄城急攻勝激厲士卒竭力捍禦矢石交下金兵不能前多死傷乃拔砦走及亮死乃解去勝善用大刀能左右射旗揭曰山東魏勝金人望見即退走勝為旗十數書其姓名密付諸將遇慶如○此○是○魏○勝○大○將戰即揭之金兵悉退走初勝起義時無州郡糧餉之給無府庫倉廩之儲勝經畫市易課酒權鹽勸糶糴

右環海州度視敵兵攻取處築城浚隍塞關隘在軍以○防○不○虞未嘗一日懈弛恒如寇至亮既殞勝益得自治軍旅人皆精銳獲金謀者犒以酒食厚賂遣還大○有○作○用有自北方來歸者與之同卧起共飲食示以不疑周其饘貧使之感激自是山東河北歸附者眾得金人消息悉以上聞金人忽以兵十萬攻海州時李寶帥海州水陸並進勝率眾合寶軍大破之斬首不可計堰水為之不流餘悉奔潰金人復遣五斤太師發諸路兵二十餘萬來攻海州先遣一軍自州西南斷勝軍餉道勝

擇勇悍三千拒于石闔堰金軍不能進。金復益兵十萬來奪。勝率衆鏖戰。殺數千人。餘皆遁去。因下令守險。勿追。衛民入城。居無何。金兵環城圍數重。勝與郭蔚分兵備禦。偃旗卧鼓。寂若無人。金兵驚疑數日。不敢攻。已乃植雲梯。置砲石。四面合圍。勝俟其近城。始鳴鼓張旗。矢石俱發。繼以火矢。金液凡三晝夜。金兵竟不能近。於是罷攻。修營壘。絕河道。謀爲固守。勝俟其不備。掩擊。或獨出攬之。使不得休息。又間夜發兵劫其營。或焚其攻具。既而金人併力急攻。乃告急于

李寶寶。因請張子蓋率兵來解圍。共與金軍大戰。斬

首不可計。追數十里。餘兵皆遁。海州城西南枕孤山。

敵至登山。瞰城中虛實。立見。故西南受敵最劇。勝築

重城圍山在內。寇至則先據之。不能害。勝嘗自創如

意戰車數百輛。砲車數千輛。車上爲獸面木牌。木槍

數十。垂氈幕軟牌。每車用二人推轂。可蔽五十人行。

則載輜重器甲。止則爲營。掛搭如城壘。人馬不能近。

遇敵。又可以禦箭鏃。列陣則如意。車在外。以旗蔽障。

弩車當陣門。其上置床子弩。矢大如鑿。一矢能射數

人發三矢可數百步砲車在陣中施火石砲亦二百步兩陣相近則陣間發弓弩箭砲近陣門則刀斧鎗手突出交陣則出奇兵兩嚮掩擊得捷則拔陣追襲少却則入陣間稍憇士卒不疲進退俱利伺便出擊慮有拒遏預爲解脫計夜習不使人見以其製上於朝詔諸軍遵其式造焉二年以議和撤海州戍命勝知楚州勝專一措置清河口時和議尚未決金兵乘其懈以舟載器甲糗糧自清河出欲侵邊勝覘知之身帥忠義士拒于清河口金兵詐稱欲運糧往泗州

由清河口入淮勝知其謀欲禦之都統制劉寶以方

和○議二○字○輒○令人○髮○指

議和不許金騎軼境勝諸軍拒于淮陽口自卯至申

勝負未決金軍增生兵來勝與之戰又遣人告急于

寶寶在楚州相拒四十里堅謂方講和決無戰事遂

不發一兵勝矢盡救不至猶依上阜爲陣謂士卒曰

我當死此得脫者歸報天子乃令步卒居前騎爲殿

至淮陰東十里中矢墜馬死事聞贈保寧軍節度使

謚忠壯

斷曰

魏勝彥威天生豪傑衆義渡淮漣水交結宣德朝
 廷漣民大悅遂取海州自行其節釋罪蠲租忠分
 義別大快人心響應一轍勝若被圍求救甚切解
 圍蒼山連戰皆捷金人恃強招降饒舌責其叛盟
 方纔無說魏勝旌旗凡戰前列自製戰車刀重箭
 疊海戍甚嚴皆爲和撤由清入淮和不敢越及敗
 盟侵無兵應接殺死報君猶和不絕

李寶

李寶河北人嘗陷于金拔身從海道來歸金主亮淪

盟聽奸民教造舟將由海道襲浙江諜聞高宗曰頃
 召李寶詢以和事歷歷如數且以一介脫身還朝是
 必能事者乃授浙西路馬步軍副總管督海州捍禦
 領舟百二十艘兵三千皆閩浙弓箭手八月次江陰
 先遣其子公佐潛往伺敵動靜虛實不即督舟啓行軍
 士爭之西北風力尚勁迎之非利寶不下令敢阻大計
 者斬遂發蘇州大洋行三日風甚惡舟散不可收寶
 慷慨顧左右曰天以是試李寶心耶寶心如鉄石不
 變矣酌酒自誓風即止明日散舟復聚且有報言公

公之遺意

不因風而阻得太

佐已扶魏勝得海州乃喜曰吾兒不負乃翁矣士氣
百倍趨衆乘機進適大風復作海濤如山寶神色不
爲動竟縱舟抵東海敵已雲合圍海州旌麾數千里
寶麾兵登岸以劍畫地令曰此非復吾境力戰與否
在汝等因握槊前行遇敵奮擊將士賈勇無不一當
十敵出不意亟引去勝出城迎寶獎其忠義勉其共
立功名勝感泣乃維舟犒士遣辨士四出招納降附
聲振山東既而發舟至膠西石白島時敵舟已出海
口泊唐島相距僅一山時北風盛作王師薄敵鼓聲

其○不○戒

震○登○海○波○騰○躍○敵○大○驚○掣○石○舉○帆○風○浪○捲○聚○一○隅○

○可○方○赤○

○勝○

束○無○復○行○次○寶○亟○命○火○箭○環○射○箭○所○中○延○燒○數○百○艘○

火○所○不○及○者○猶○欲○前○拒○寶○叱○壯○士○躍○登○其○舟○短○兵○擊○

刺○殪○之○舟○中○餘○盡○中○原○舊○民○皆○登○海○岸○脫○甲○歸○命○以○

故○不○殺○其○餘○賊○與○貨○斬○獲○殆○盡○捷○報○上○喜○曰○朕○獨○用○

李○寶○果○立○功○爲○天○下○倡○矣○賜○詔○獎○諭○又○書○忠○勇○李○寶○

四○字○表○其○旗○幟○因○除○靜○海○軍○節○度○使○賜○金○器○玉○帶○金○

主○亮○聞○助○大○怒○召○諸○酋○約○以○三○日○渡○江○適○內○變○殺○亮○

向○微○唐○島○之○捷○則○亮○之○死○未○可○期○錢○塘○之○危○可○憂○也○

寶之功亦大矣。卒贈檢校少保。

斷曰

李寶陷金拔身歸宋。金復渝盟遣舟海。哄謀知其情。以寶備用揭天風。波寶不為動。連合海州魏勝。相共敵舟望中如雲之衆。僅隔一山。重重連控寶。揮舟師如馬磬鞞。橫架首前忽操。忽縱浪驚若雷。波蕩如送火箭。延燒迴風亂迸。壯士登舟斬獲快。痛敵敗欲逃。恨海無縫。捷奏九重。群將功頌自此。論才方知寶重。

趙方

趙方字彥直。衡山人也。舉進士。知青陽縣。告其守曰。催科不擾。是催科中撫字。刑罰無差。是刑罰中教化。人以為名言。時和議成。諸郡浸弛。備禦方獨招兵。擇將拔土豪孟宗政等補以官。增修山海八置。以壯形勢。荆門有東西兩山。險要復築堡其上。增戍兵以遏其衝。方知襄陽府。謀知金人圍棗陽。急因遣宗政等援之。已而金人敗。棗陽圍解。仍申飭諸將戒嚴。當過於境上。勿使至城下。時麥正熟。方遣兵護民刈之。清

野以待金人復大舉圍棗陽方計其空巢穴而來若
擣其虛則棗陽之圍自解乃命許國東向唐州劉再
興西向鄧州又命子范葵後殿時宗政權知棗陽在
城中日夜鏖戰焚其攻具金人不敢近城西師由光
化境出砦于三尖山拔順陽縣金人率眾仰攻大敗
再興與國兩道並進掠唐鄧境焚其城柵糧儲棗陽
城堅金兵頓八十餘日方知其氣已竭乃召國再興
還併東師隸于再興尅期合戰宗政自城中出來擊
殺其眾三萬獲其輜糧器甲下可勝計進方煥章閣
此是伐計之道
此是食之道
此是攻其情歸

直學士方料金人數不得志于棗陽必將同時並攻
諸城當先發以制之命國宗政出師向唐再興向鄧
戒之曰毋深入毋攻城毋潰其保甲燬其城砦空其
資糧而已宗政進破河陽縣擒其千戶趙興兒國與
金人戰于泚陽戮其將李提控再興破高頭城大敗
金人降者踵至已而金兵至樊城方命再興陣以待
之方視其師金人三日不敢動遂遁金將阿海犯淮
西樞密院顏小驢屯唐州爲後繼方先攻唐伐其謀
再使再興發東陽兵擊其西許國發桐栢兵擊其東

再興敗金人于唐城斬小驢圍其城五匝垂下會斬
黃繼陷詔趨方遣救方乃命國還鄂州保江再興援
淮西金兵皆大敗進方顯猷閣大學士方起自儒生
帥邊十年以戰爲守合官兵爲一躡通判總司爲一
家持軍嚴每令諸將飲酒勿醉當使日日可戰故淮
西一境獨全

斷曰

趙方儒者頗識兵機催科刑罰正論入微和雖有
議兵不可違土豪宗政拔之相依棗楊有急立命

解圍金兵再至東西指揮視其力竭忽盡召歸中
外夾擊斬獲不稀金屢失利定復逞威棗陽唐鄧
攻必同時先發者是後發自非小驢旣斬五匝城
危斬黃促詔開籠鳥飛進官學士不愧宣徽

孟宗政

孟宗政字德夫絳州人父林從岳飛至隨州因家焉
宗政自幼豪偉有膽畧常出沒疆場間嘉定十年金
人犯棗陽圍急趙方檄宗政往救之宗政午發觀首
遲明即抵棗陽馳突如神金人大駭而遁方聞捷大

喜差權聚陽軍宗政初取事（法令之始不可不行）一愛僕犯新令立斬之
軍民股慄十一年金帥完顏賽不擁步騎圍城宗政
與劉再興合兵與角歷三月大小七十餘戰宗政身
先士卒企人戰輒敗忿甚周城開濠四面控兵列濠
外飛鋒鎗以綢鈴自警鈴響則夫吠宗政厚募壯士
乘間突擊金人不能支盛兵薄城宗政隨方力拒適
許國援師至宗政出城夾擊金人奔潰十二年金帥
完顏訛可擁步騎薄城宗政囊糠盛沙以覆樓棚列
甕瀦水以防火攻募砲手擊之一砲輒殺數人金人

選精騎二千號弩子手擁雲梯天橋先登又募鑿銀

礮石工晝夜陷城又運茅葦直抵圍樓下欲焚樓宗

政先燬樓掘深坑防地道割戰棚防城隕穿穿纜透

卽地毒烟烈火鼓鞴以熏之金人室以濕檀析路以

剗土城頽樓陷宗政（如此防守之法可謂盡善盡美）撤樓益薪架火山以絕其路列

勇士以長槍礮弩備其衝距樓陷所數丈命築偃月

城袤百餘丈翼傅正城深坑倍仞躬督役五日成金

人摘強兵披厚鎧羶衫鉄面而前又濕羶濡革蒙火

山覆以兵雪擁雲梯徑抵西北圍樓登城城中軍以

長戈春其喉殺之勇敢軍自下夾擊金兵墜死燎焰
自昕至昃死傷踵接梯橋盡燬金人連不得志俄乘
順風渡淮飛脂革燒戰棚宗政激將士血戰金兵死
者千餘射其都統殪之天忽反風金人愈忿砲愈急
會王大任領卒一千冒重圍轉闢入城內合外勢士
氣大振賈勇入金營自哺至三更金人橫屍遍地奪
其銅印十有六訛可棄帳走獲輜重牛馬萬計捷至
陞武功大夫兼閤門宣贊舍人重賜金帶籍其勇壯
號忠順軍俾出沒唐鄧間威振境外金人呼爲孟爺

爺俄病疽卒宗政于有功者怨必賞有罪者親必罰
好賢樂善出于天性未嘗學兵法而暗與之合死之
日邊城爲罷市慟哭

斷曰

宗政豪偉幼歷疆場忽奉趙檄解圍棗陽午發峴
首明即至疆賊驚神速早遁他方趙聞捷喜遂命
掌堂金兵再至勢甚猖狂戰經七十金輒敗亡金
人憤怒開濠掘隍誓必城破以逞其強雲梯上擊
地穴下椿瀦水防火募砲以傷百攻百備適足相

當會援轉鬪內外奮揚金人敗去宗政名香閣門
宣贊膺帝寵光病疽俄死罷市慟傷

孟珙

孟珙字璞玉隨州棗陽人也嘉定十年金人犯襄陽
父宗政以兵禦之珙料其必關樊城請由羅家渡濟河
宗政然之翌日令諸軍臨渡布陣金人果至伏發殲
其半十二年完顏訛可率步騎二十萬分兩路攻棗
陽城珙登城射之將士驚服宗政命珙取他道劫金
人破砦十有八斬首千餘級大獲軍器以歸金人遁
○攻○其○所○不○

紹定元年珙白制置司荆平堰于棗陽自城至軍西
十八里瀋河水溉田十萬頃立十莊三轄使軍民分
屯是年收十五萬石六年元將那顏倚蓋追金主守
緒逼于蔡因檄珙戍鄂討金金唐鄧行省武仙仙時與
武天錫及鄧守移刺瑗互相犄角欲迎守緒入蜀天
錫者鄧之農夫乘亂聚衆二十萬為邊患珙突逼其
營一鼓拔之壯士張子良斬天錫首以獻俘其將士
四百餘人乃授江陵副都統制賜金帶檄問邊事珙
曰金人若向呂堰則入于不可少已而金人犯呂堰

琪喜曰吾計得矣遂命諸將追擊呂堰進逼大河退
逼山險砦軍四合金人棄輜重走俘獲以萬計移刺
瑗遂奉書請降琪入城瑗伏階下請死琪爲之易衣
冠以賓禮見武仙初屯順陽爲宋軍所撓退屯馬蹬
其愛將劉儀來降琪納之因問仙之虛實儀言仙所
據石穴九砦馬蹬沙窩岫山三砦蔽前三砦不破石
穴未可圖也若先破離金砦則王子山砦亦破而三
砦成擒矣琪因遣人向離金執黑旗率衆入砦金人
不疑爲宋軍乃分據巷道大乎縱火掩殺幾盡是夜

壯士楊清又誅金小元師金益恐又遣樊文彬攻其
前門成明等邀截走路殺僂山積琪料武仙將上岫

山絕頂窺伺因令樊文彬詰旦奪岫山駐軍其下前

出其不意攻其無備處

當設伏後遮歸路已而仙果登山及半文彬麾旗伏
兵四起仙衆失措枕籍崖谷兵至石穴仙易服與五
六騎奔遁隨隱不見衆悉降軍還襄陽時金主守緒
在蔡元侷蓋約共攻蔡制置使謀于琪琪請以二萬
人由真陽橫山南來鼓行而前金人戰敗却走追至
高廣陂斬首千二百級侷蓋遣人來迓琪與射獵割

鮮而飲約為兄弟。南北軍毋相犯。已而金兵萬人自東門出戰。琪遮其歸路。擁入汝河。擒其偏裨多人。進逼柴潭。立柵。翌日命諸將奪柴潭樓。蔡人恃潭為固。相傳下有龍。人不敢近。將士疑畏。琪因召麾下曰：「柴潭非天造地設。彼所恃此水耳。決而注之。涸可立待。」因鑿其兩翼。潭果決。實以薪葦。遂濟師攻城。城破。開西門。招侂蓋入。時守緒已自縱火焚琪。與侂蓋因分守緒骨。還軍襄陽。帝贊曰：「卿名將之子。破蔡滅金。功績昭著。因問恢復。琪對曰：願陛下寬民力。蓄人材。以○復○要○者○不○過○

俟機會。帝又問和議。琪曰：「臣介胄之上。當言戰。不當言和。賜賚甚厚。三年琪至黃增。塿浚隍。蒐訪軍實。邊民來歸者日以千數。為屋三萬間。居之。厚加賑貸。元兵攻蘄州。琪遣兵解其圍。元兵攻江陵。琪自率軍援之。允軍分兩路。一攻復州。一在枝江。監利縣。編後窺江。琪變易旌旗服色。循環往來。夜則列炬照江。數十里相接。躬視節度。破砦二十四。還民二萬。嘉熙元年授鄂州諸軍統制。元將忒没解入漢陽口。溫不花入淮。旬江師萬文勝戰不利。琪入城。軍民喜曰：「吾父來。」

矣駐帳城樓指畫戰守卒全其城將士彌月苦戰病傷者相屬○視幸如愛○子方可得其死方琪遣千視療師皆感泣初詔琪收復京襄琪謂必得郢然後可以通餽饗得荆門然後可以出奇兵由是指授方畧發兵深入所至皆以捷聞琪奏畧曰取襄不難而守為難非將士不勇也非車馬器械不精也實在乎事功之不給耳襄樊為朝廷根本今百戰而得之當加經理如護元氣非甲兵十萬不足分守與其拙兵于敵來之後孰若保此全勝上兵伐謀此不爭之爭也乃置先鋒軍以襄郢歸順人隸

焉又條上流備禦為藩籬三層乞創制副司及移關外都統一軍於夔任涪南以下江南之責為第一層備郢澧為第二層備辰沅靖桂為第三層峽州松滋須各屯萬人舟師隸焉歸州屯三千人郢澧辰沅靖各五千人彬桂各千人如是則江西可保又度師必因糧於蔡遣張德劉整分兵入蔡大其積聚四川制置使陳隆之與副使彭大雅不協交章於朝琪曰國事如此合智并謀猶懼弗克而兩司方勇于私鬪豈不愧廉藺之風乎馳書責之陳彭得書大愧因改釐

蜀政之弊。軍無宿儲。珙大興屯田。調夫築堰募農。給
開屯井有條種首秭歸尾漢口為屯二十。為莊百七十。為頃十八
萬八千二百八十。上屯田始末。與減餉之數。降詔獎
諭。謀知元將也。可那延以騎兵經商州。取鵲嶺關。珙
遣王令屯江陵。郢州劉全屯沙市。焦進提千人自江
陵荆門出襄。檄劉全齎十日糧。取道南漳入襄。與諸
軍合。元兵至三川。珙下令應出戍。主兵官不許。失棄
寸土。權開州梁棟乏糧。還司。珙曰。是棄城也。斬其首
殺致以徇。由是諸將奉令惟謹。珙言沅之險不如辰。靖之

險不如沅。三州皆當措置。而請尤急。今三州粒米寸
兵無所從出。此京湖之憂。一江防上自秭歸。下至壽
昌。亘二千里。自公安至峽川。灘磧凡十餘處。隆冬水
涸。節節當防。此京湖之憂。二。今尺籍數虧。既守灘磧。
又守關隘。此京湖之憂。三。陸抗有言。荊州國之藩表。
如其有虞。非但失一郡。當傾國爭之。若非增兵八萬。
併力備禦。雖韓白復生。無所展巧。今日事勢大畧相
似。詔京湖調兵五千。戍安豐。援壽昌。珙遣劉全將兵
以往。繼有命分兵三千。備齊安。珙言黃州與壽昌三

廣○百○將○傳
卷之十一
江○口○隔○一○水○耳○須○兵○節○度○何○必○預○遣○先○一○日○則○有○一○
日○之○費○無○益○有○損○萬○一○上○游○有○警○我○兵○已○疲○非○計○之○
得○也○不○從○樞○密○調○兵○五○千○赴○廣○西○珙○移○書○執○政○曰○大○
理○至○邕○數○千○里○部○落○隔○絕○今○當○擇○人○分○部○數○郡○使○之○
分○治○生○夷○險○要○形○勢○隨○宜○措○置○創○關○屯○兵○積○糧○聚○芻○
於○何○地○聲○勢○既○張○國○威○自○振○計○不○出○此○而○聞○風○調○將○
空○費○錢○糧○無○補○于○事○不○聽○元○將○大○納○至○江○陵○遣○楊○全○
伏○兵○荆○門○以○戰○珙○先○期○謀○知○達○于○樞○密○檄○兩○淮○爲○備○
兩○淮○不○知○也○後○果○如○所○報○行○省○范○用○吉○密○通○降○款○以○

所○受○告○爲○質○珙○自○於○朝○不○從○珙○因○歎○曰○三○十○年○收○掄○
中○原○人○今○志○不○克○伸○矣○病○遂○革○乞○休○政○終○於○江○陵○府○
治○是○月○朔○大○星○隕○于○境○內○聲○如○雷○薨○之○夕○大○風○發○屋○
折○木○累○贈○太○師○封○吉○國○公○謚○忠○襄○

斷曰

孟○珙○才○賢○能○經○善○權○棗○陽○既○守○河○水○漑○田○十○莊○三○
轄○歲○歲○有○年○元○將○侷○盞○檄○討○武○仙○先○誅○天○錫○次○降○
刺○瑗○武○仙○將○獲○忽○遁○而○潛○侷○盞○畏○服○獵○飲○割○鮮○約○
爲○兄○弟○戒○毋○犯○焉○帝○問○恢○復○勢○已○倒○懸○寬○力○蓄○村○

以俟機緣金既破滅改而防元荆襄樊漢百計保
全一謀一策無不了然時衰君懦盡付空言齋志
以沒憑誰問天

杜杲

杜杲字子昕邵武人也江淮制置使李珣羅致幕下
滁州受兵檄杲提偏師往援甫至民蔽野求入避滁
守固拒杲啓鑰納之金人圍城數重杲登城中矢益
自奮厲卒全其城浮光兵變杲單騎往誅其渠魁守
將爭餉金幣悉封貯一室臨行反之安豐守告戍將

扇搖軍情且將爲變帥欲討之杲曰是激使叛請與

兩卒往呼將諭之曰而果無他可持吾書詣制府將

即日行一軍帖然李全犯邊朝廷以杲久習邊事擢

知濠州制置大使趙善湘謀復盱眙密訪於杲杲曰

賊恃外援當斷盱眙橋梁以困之卒用其策成功金

衆數萬駐榆林阜請降輜重甚富或請誘而圖之杲

曰殺降不仁奪貨不義納之則有後患論而遣之趙

善湘等出師詔問守禦策杲上封事曰沿淮旱蝗不

任征役中原赤立無糧可因若虛內事外移南實北

腹○心○之○地○必○有○可○慮○反○兵○敗○洛○陽○人○始○服○其○先○見○再
知○壕○州○未○行○改○安○豐○元○兵○圍○城○杲○善○完○守○禦○元○以○火
砲○焚○樓○櫓○杲○隨○陷○隨○補○完○元○令○拔○都○魯○斫○牌○杖○木○拔
都○魯○者○死○囚○爲○之○攻○城○以○自○贖○杲○募○善○射○者○以○小○箭
射○其○目○拔○都○魯○多○傷○而○退○元○填○壕○爲○二○十○七○壩○杲○分
兵○扼○壩○允○乘○風○縱○火○俄○而○風○雪○驟○作○杲○募○壯○士○奪○壩
路○士○皆○奮○躍○死○戰○會○池○州○都○統○制○呂○文○德○突○圍○入○城
合○力○捍○禦○元○兵○引○去○御○書○慰○諭○之○朝○論○謂○帥○淮○西○無
逾○杜○杲○者○遂○詔○以○安○撫○兼○知○廬○州○察○罕○帥○兵○號○八○十

萬○圍○廬○州○於○濠○外○築○土○城○六○十○里○穿○兩○濠○攻○具○皆○數
倍○於○安○豐○時○杲○極○力○守○禦○元○築○壩○高○於○城○樓○杲○以○油
灌○草○卽○壩○下○煉○之○皆○爲○煨○燼○又○于○串○樓○內○立○雁○翅○七
層○俄○砲○中○壩○上○衆○驚○杲○乘○勝○出○戰○元○兵○敗○走○杲○追○躡
數○十○里○元○兵○知○不○能○進○遂○引○師○北○歸○詔○加○杲○淮○西○制
置○使○杲○屢○疏○請○老○不○許○旣○而○乞○去○愈○力○遂○以○直○學○士
奉○祠○未○幾○杲○卒○杲○淹○貫○多○能○嘗○言○吾○兵○間○無○悖○謀○左
○慎○之○句○之○意

斷曰

杜○杲○善○謀○謀○皆○有○濟○蔽○野○難○民○許○入○城○避○兵○變○浮
光○渠○魁○誅○棄○金○弊○爭○遺○封○貯○不○費○告○將○動○搖○衆○驚
有○異○杲○論○以○書○無○他○赴○吏○將○卽○日○行○一○軍○安○利○金
衆○欲○降○輜○可○誘○致○殺○降○不○仁○奪○貨○不○義○受○恐○後○虞
論○遣○爲○是○詔○問○戰○機○杲○上○封○事○中○原○亦○存○一○時○難
治○實○北○移○南○腹○心○可○慮○兵○敗○洛○陽○人○服○其○智○元○將
焚○樓○隨○陷○隨○備○處○處○成○功○皆○杲○畫○計○何○無

書得意

